



Broj:
Sarajevo, 04.03.2022. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 04-03-2022

Organizaciona jedinica	Klasifikaciona oznaka	Redni broj	Broj priloga
		01-02-2-346/22	

PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM

Na osnovu člana 163. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19 i 26/20), klub SDA u Predstavničkom domu Parlamentarne skupštine BiH dostavlja

PRIJEDLOG REZOLUCIJE

Potvrđujući značaj Povelje Ujedinjenih naroda u promicanju vladavine prava među narodima;

Podsjećajući na obavezu svih država na temelju člana 2. Povelje da se u svojim međunarodnim odnosima suzdrže od prijetnje silom ili upotrebe sile protiv teritorijalnog integriteta ili političke nezavisnosti svake države, te od upotrebe sile na bilo koji drugi način koji nije saglasan sa ciljevima Ujedinjenih naroda;

Imajući na umu važnost održavanja i jačanja međunarodnog mira utemeljenog na slobodi, jednakosti, pravdi i poštovanju ljudskih prava, te razvijanju prijateljskih odnosa među narodima bez obzira na njihove političke, privredne i društvene sisteme ili stepen njihovog razvoja;

Podsjećajući na Rezoluciju Generalne skupštine Ujedinjenih naroda 3314 (XXIX) od 14. decembra 1974., kojom se agresija definiše kao upotreba oružane sile od strane države protiv suvereniteta, teritorijalnog integriteta ili političke nezavisnosti druge države ili na bilo koji drugi način koji nije u skladu s Poveljom.

Predstavnički dom Parlamentarne skupštine Bosne i Hercegovine na 12. hitnoj sjednici održanoj 04. marta 2022. godine usvojio je

REZOLUCIJU
O OSUDI AGRESIJI NA UKRAJINU

1. Predstavnički dom Parlamentarne skupštine Bosne i Hercegovine najoštrije osuđuje agresiju Ruske Federacije na Ukrajinu i njezin suverenitet, teritorijalni integritet i nezavisnost i poziva Rusku Federaciju da odmah prestane s vojnim napadom i povuče svoje trupe s ukrajinskog teritorija. Predstavnički dom osuđuje priznavanje samoproglšenih regija Donjecka i Luhanska, jer taj čin predstavlja grubo kršenje suvereniteta Ukrajine i podriva temelje međunarodnog poretka;
2. Predstavnički dom daje punu podršku suverenitetu, teritorijalnom integritetu i nezavisnosti Ukrajine u njezinim međunarodno priznatim granicama što je i temeljna odrednica u odnosima i saradnji između Bosne i Hercegovine i Ukrajine;
3. Predstavnički dom izražava punu solidarnost s Ukrajinom i ukrajinskim narodom te poziva Vijeće ministara Bosne i Hercegovine da pruži humanitarnu i drugu odgovarajuću pomoć Ukrajini u ovom za njih i za sav miroljubivi svijet teškom trenutku;
4. Predstavnički dom snažno i odlučno podržava evropski sigurnosni poredak, čija su temeljna načela sadržana u Povelji Ujedinjenih naroda i temeljnim dokumentima Organizacije za evropsku sigurnost i saradnju, uključujući Helsinški završni akt i Parišku povelju, te poživaju na suverenoj jednakosti i teritorijalnom integritetu država, nepovredivosti granica, suzdržavanju od prijetnje ili upotrebe sile, te slobodi država da izaberu ili promijene svoje vlastite sigurnosne aranžmane;
5. Predstavnički dom naglašava da u kontekstu sigurnosne situacije na istoku Europe, održavanje dijaloga između svih međunarodnih relevantnih aktera, smirivanje napetosti i agresivne retorike uz poštivanje međunarodnog pravnog poretka i nepovredivosti međunarodnih granica predstavljaju ključ za očuvanje mira i stabilnosti u regiji;
6. Predstavnički dom izražava čvrsto uvjerenje da je sigurna, stabilna i prosperitetna Ukrajina u strateškom interesu svih građana Ukrajine, Evropske unije, cijele Evrope, svjetskog mira i međunarodnog poretka.

ZA KLUB POSLANIKA SDA

Adil Osmanović, predsjednik Kluba

